

PEMBERITAHUAN PERTANYAAN DEWAN RAKYAT

PERTANYAAN : LISAN

DARIPADA : TUAN OSCAR LING CHAI YEW

TARIKH : 19 JUN 2014 (KHAMIS)

SOALAN :

TUAN OSCAR LING CHAI YEW [SIBU] minta **PERDANA MENTERI** menyatakan perkembangan penculikan di Sabah, apakah tindakan kerajaan seterusnya untuk menyelamatkan mangsa. Bagaimana kerajaan akan memulihkan keyakinan pelawat-pelawat asing terhadap pelancongan di Sabah, sila berikan anggaran kerugian yang dialami sejak pencerobohan Lahad Datu.

JAWAPAN: YB DATO' SERI DR. SHAHIDAN BIN KASSIM,
MENTERI DI JABATAN PERDANA MENTERI

Tuan Yang di-Pertua,

1. Untuk memulihkan keyakinan pelawat-pelawat asing terhadap pelancongan di Sabah, pasukan keselamatan akan melakukan operasi dan pemantauan yang lebih kerap dan berkesan di pusat-pusat peranginan serta kawasan yang menjalankan aktiviti di laut. Pasukan keselamatan juga akan ditempatkan di semua pusat-pusat peranginan.
2. Di samping itu juga ESSCOM telah dan sedang mengambil pelbagai langkah untuk menangani isu keselamatan di ESSZONE. Langkah-langkah yang telah diambil melalui ESSCOM dan agensi-agensi penguatkuasaan, keselamatan dan pertahanan untuk memastikan tahap keselamatan di Pantai Timur Sabah berada di dalam keadaan yang terkawal adalah seperti berikut:
 - i) Penambahan dan penggantian aset maritim kepada Pasukan Polis Marin (PPM), Agensi Penguatkuasaan Maritim Malaysia (APMM) dan Angkatan Tentera Malaysia (ATM). Pertambahan aset-aset ini akan dapat meningkatkan kehadiran dan rondaan aset maritim di kawasan perairan yang menjadi potensi ancaman;
 - ii) Pembahagian sektor rondaan pelbagai agensi di laut bagi menambahkan keberkesanan pengawasan;
 - iii) Response team/komuniti *policing* mengikut sektor di antara PDRM, ATM dan APMM;

- iv) Peningkatan atur gerak trup dari wilayah lain ke ESSZONE dan rondaan bersepadu ATM dan PGA di daratan;
- v) Penambahbaikan/peningkatan pos-pos keselamatan;
- vi) Op Gasak bagi membersihkan penjenayah/PATI. Sejak 24 Nov 2013 sehingga sekarang, seramai 1296 PATI telah ditahan dan seramai 3,323 orang telah diperiksa;
- vii) Pemantauan Udara Bersepadu oleh Pasukan Gerak Udara (PGU) dan ATM;
- viii) Pembinaan 5 balai polis baru dan 3 balai polis yang sedia ada akan dinaik taraf;
- ix) Pengukuhan keselamatan pulau-pulau yang ada pusat-pusat peranginan;
- x) *Engagement* dengan semua *stakeholders* di ESSZONE;
- xi) Peningkatan kerjasama dengan agensi-agensi keselamatan/perisikan Filipina; dan
- xii) Melaksanakan pendaftaran awal “*Pump Boat*” bagi tujuan pengawalan.

3. Kerajaan juga akan mengambil beberapa langkah baru yang bertujuan untuk memastikan keadaan keselamatan di kawasan tersebut sentiasa berada di tahap yang baik. Antara langkah-langkah tersebut adalah seperti berikut:

- i) Perancangan pewujudan *Sea Basing* di perairan ESSZONE dengan kerjasama PETRONAS;
- ii) Penguatkuasaan *Designated Route* atau laluan khusus untuk kapal-kapal/bot yang akan masuk perairan Sabah; dan
- iii) Penubuhan unit-unit sukarelawan iaitu ATM, Polis, JPAM, RELA dan sebagainya.

4. Adalah diyakini dengan langkah-langkah yang telah dan akan diambil di atas akan dapat mempertingkatkan lagi tahap keselamatan di kawasan Pantai Timur Sabah.

Sekian. Terima kasih.